

S 2551

743

痘科類編 卷二

痘科類編釋意卷之二

絲集

隨時認症因症用方如某方治某症如某症宜用某方  
某症宜多用宜少用宜輕劑宜重劑一一詳備按症查  
方似可依之而用藥矣但方藥未諳不免心中恍惚不  
敢輕動手也所以又類三卷明註方藥以備參考

目錄

治痘總法 一

發熱三日症治 二

論痘瘡發熱與傷寒不同 三

痘利類編  
出見三日症治 四

調養禁忌 五

避穢氣 六

起脹三日症治 七

灌膿三日症治 八

收靨三日症治 九

結痂落痂症治 十

痘後餘毒痘後餘症 十一

雜症當急治論 十二



異痘四種 十三

發熱 十四

寒熱 十五

厥逆 十六

頭溫足冷 十七

夾癰 十八

夾疹 十九

夾痧 二十

發泡 二十一



陷伏 二十二

倒靨 二十三

癢 二十四

痛 二十五

腰痛 二十六

腹痛 二十七

腹脹 二十八

口唇 二十九

口舌 三十

咽喉 三十一

咳嗽 三十二

痰涎 三十三

失音 三十四

譫妄 三十五

澀水吐食 三十六

中風 三十七

驚搐 三十八

倦怠 三十九

喘 四十

煩躁 四十一

渴 四十二

不食 四十三

汗 四十四

諸失血 四十五

嘔吐噦 四十六

瀉痢 四十七

吐瀉并作 四十八



痢 四十九

寒戰咬牙 五十

二便 五十一

潰爛 五十二

痘疔 五十三

陰囊發腫 五十四

痘後浮腫 五十五

痘毒 五十六

疳瘡口瘡 五十七

光緒二十六年  
眼目 五十八

痘科類編釋意卷之二

絲集

綠野堂

益都翟良輯

武林約齋爾定裴

經校訂重鐫

治痘總法

一

治痘瘡原無奇法大約先視其人之氣血強弱痘毒之淺深時氣之寒燠自發熱之初見點之時卽當觀形察色思及如何起發如何灌漿如何收靨一動手用藥就便顧首尾慎其初以善其後然後次第調理分其表裏虛實寒熱虛者補之實者瀉之寒者溫之熱者清之無過溫無過清



不妄瀉不妄補要在使其正氣不損而氣血盛邪氣不留而痘毒解痘或有不必用藥者或有宜輕劑者宜重劑者細心詳審各各分別斟酌施治斯可收萬全之功矣如痘發熱之後作三四次出有大有小有先有後起發亦作三四次先出者先起後出者後起大者自大小者自小大小次第而起待至養漿則先起者先作漿後起者後作漿大小亦如之磊落分明不相粘連色極紅潤不帶火色者順也不必用藥若時醫射利以爲不用藥無以見功欲妄投其劑幸邀天功不知治痘惟有補瀉二法痘症旣順則無

邪正之偏補則助其火邪瀉則損其正氣痘無症藥之而反生其症也何能成功徒殺人耳若險症則宜急治治之不急則險症變而爲逆症者有之時醫用藥恐症變不已歸罪於藥憚而不用坐視險者變而爲逆全不顧也心何忍乎是又以不用藥而殺人也至于逆症棄而不救恐調治不能成功徒招謫也雖然豈醫者活人之心哉當察其色脈於不治之中尋其生機定一治法然亦有不壞事者予曾見同道孫姓者治一女年七歲痘犯逆症形如蚊跡不成顆粒一逆也腰痛腹又痛二逆也昏睡譫語三逆也

乾嘔四逆也。惟色脈無恙可生之機也。隨定一方用保元湯以補其中氣。加羌活防風荊芥柴胡以爲發散。表邪之用木香山查以爲驅逐裏邪之用。調辰砂末以爲解毒之用。連進三劑。症變而成功矣。逆症豈可盡棄哉。今不論陰逆一定方於後。



初熱三日症治二

痘必發熱而後出者何也蓋天地之育萬物雖賴土以生  
息而土不得陽氣薰蒸于下安能發生萬物人身一小天  
地也痘之管紐在脾脾屬中土若非火蒸透膈則痘毒安  
能震動而發泄師曰五穀不逢熱不結痘瘡不熱透不徹  
所以痘瘡之毒蘊伏五臟欲出則必薰蒸而發熱蒸三日  
而癰生蓋痘本火毒待熱而發熱微而毒微熱甚而毒甚  
而痘之輕重係焉雖然亦有熱甚而毒不甚者如熱甚不  
煩不渴大小便如常精神清爽此熱在表其裏無邪毒火

發越痘易出而易成功也亦有熱微而毒不微者熱雖微而煩躁不安大小便難昏昏喜睡毒火內蘊不得發越表熱雖微內熱則甚毒火鬱遏之極痘必出不快而難成功也熱微毒微熱甚毒甚此言其常也熱微毒不微熱甚毒不甚又是其變也治痘者正當于此有斟酌矣前人有云當發散清解使邪熱盡退痘出之形不帶火色一失其治痘帶火色而出則紅必變赤赤必變紫紫必變黑救無及矣有云外感癘氣內有所傷與痘毒合併而發熱者當清解之若痘毒之正熱其毒稟於胎元伏於五臟深藏久蓄

一旦觸發倏然忽然之頃其勢猛銳勃勃欲出斷不可遏阻其勢必藉氣血載毒出外痘出而熱自退或熱退而痘自出若必如管櫟立論首以解毒令熱盡退爲說純用涼藥則氣血凝滯不能載毒出外毒將內攻而告變矣奚可哉庸醫相習訛以傳訛俱用寒涼清解自以爲對症之妙劑以致毒不得外出返而內攻者多矣今領前人之論不敢執定不用清解以不用藥而誤事亦不敢執定純用清涼又以用藥而害事因病用藥隨症定方一一如左



武又曰：「我集而赴事，固欲服衆，然衣一布，則  
 衆皆笑之。不似前時，以衣爲重，而爲事者不類。將必  
 服以經綸，不以衾絮，由是而內交清遠矣。」令賁、簡人  
 冠帔，晉師皆端以朝。猶斯困寒，鄭肅預自以爲難，遂乞  
 樂，順康盛，寢辭不稍嫌，盡出我意，故內交而古變矣。